

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Complectens ea quæ ad Sacmenta & mores pertinent

Abelly, Louis

Coloniæ Agrippinæ, 1659

IV. Vndenam dignsoci possit vtrum lex humanæ sub mortali culpa obliget.

urn:nbn:de:hbz:466:1-38979

peccare subditos legem Principis iustum acceptare nolentes, eumque ausu temerario improbantes & abiicientes, quanto præsertim nulla ratione legitima ad id inducuntur: cum lex diuina obedientiam subdito rum erga. Principes aperte præferibat.

SECTIO IV.

Vnde nam dignosci possit, utrum lex humana sub mortali culpa obliget.

TRIA sunt præcipua capita ex quibus communiter Doctores inferunt, legem aliquam humanam sub mortali culpa obligare.

Primum petitur (ut docet Nav. cap. 2. Manua. nu. 50) ex ipsius legis verbis, quibus plerumque obligatio sub graui peccato disertè exprimitur; ut cum aliquid præcipitur vel prohibetur sub interminatione diuini iudicij, vel maledictionis aeternæ, aut sub indignatione omnipotentis Dei, aliave simili formula. Observat tamen idem Nau. suprà, non omnia verba præceptiva (qualia sunt ista, teneatur, obligetur; item, præcipimus, mandamus, prohibemus, & similia) satis exprimere, an lex obliget sub mortali; cum interdum reperiantur adhibita in legibus illis quæ tantum sub veniali obligant; proindeque id dignoscendum esse, vel ex aliis verbis adiunctis, uel ex materia ipsius legis ut mox dicetur.

Secundum petitur (ut docet Azor.) tom. i. lib. 5. cap. 6. qu. 5.) ex grauitate pœna, quam lex comminatur, & transgressoribus infligit; cuiusmodi est in legibus Ecclesiasticis excommunicatio maior, degradatio, &c. In legibus item ciuilibus pœna capitii, aut perpetui carceris, vel publicationis bonorum &c. Hæ siquidem pœna, cum iuste infligi non possint nisi ob grave aliquod delictum; hinc sequitur, quotiescumque lex humana quam iustum esse supponimus) eiusmodi pœnas comminatur, & transgressoribus infligit, transgressionem illius esse peccatum mortale.

Ter-

Tertium desumitur (ut tradit idem Azor. suprà) a qualitate materiae circa quam lex versatur; si enim materia legis gravis sit, censetur obligare sub peccato mortali; si levius, sub veniali. Materia autem illa censetur gravis, non modo quæ per se & absoluè spectata semper, & in omni eventu talis est; sed etiam illa, quæ, licet secundum se præcisè considerata levius sit ratione tamen circumstantiarum temporis, loci &c. judicio viri prudentius esse censetur; quia scilicet in talibus circumstantiis plurimum conducit ad commune bonum: e.g. urgentia & penuria publica, legis illius materia gravis esse censeretur, qua vetitum foret, ne quis triticum in alienas præcias exportaret.

Cum igitur de his tribus conveniat inter Doctores, controversum est inter illos, utrum sola legislatoris intentio sufficiat ad hoc, ut lex ab eo lata sub mortali obliget, quamvis ejus materia levis sit. Omisis variis Theologorum sententiis probabilissimè loqui videnturii, qui docent legem in materia levi non posse obligare ad mortale peccatum, quantumvis legislator hoc intendat, intentionemque suam verbis disertis exprimat. Ita Domin. Sot lib. 1. de iustitia quest. 6. art. 4. Alph. à Castro lib. 1. de lege penalí c. 5. Bellarm. lib. 3. de membris Ecclesiarum c. 5. & plures alii. Quorum præcipua ratio est, quod lex iusta nullam inducat obligationem ex ea parte qua iniuste est, unde S. Aug. Lib. 1. de lib. arb. c. 5. Lex illa (inquit) priuia non fuerit, lex non sit: atque lex illa, in qua licet ea materia levis esset, legislator intenderet obligare ad peccatum mortale, proindeque ad poenam aeternam, ex ea parte non esset iusta; sicut lex illa iusta non censeretur quæ poenam mortis temporalis ob leve aliquod delictum decerneret: ergo ad peccatum mortale non obligate, quantumvis legislator obligare intenderet.

Quæres an sicut lex in materia levi sub peccato mortali non obligat, licet legislator obligare intenderet; sic è contra in materia gravi obliget sub mortali, quamvis legislator intenderet solum obligare sub veniali. Nav. L. 23. n. 49. Ios. Medium

Medina cod. de ieiunio q. 7. & quidam alii existimant obligare tunc solummodo sub veniali : quorum sententia, quamvis probabilis sit, probabilior tamen & magis in praxi tuta est contraria, quæ afferit legem in materia graví obligare sub mortali peccato, quantumvis legislator intendat solum obligare subveniali. Ita Driedo de libertate Christiana c. 3. ad 5. Franc. à Victoria relect. de potest. civil. n. 19. Barth. Med. ad q. 96. art. 4. & Bellarm. supra: ubi recte observat in resp. ad 7. argumentum, ex intentione quidem legislatoris pendere, an velit re ipsa imperare, & veram legem condere ; an vero solum ostendere quid agendum sit sine alio imperio : sed si velit serio imperare, & veram legem condere, non esse in eius potestate impedire, quin lex obliget ad mortale, vel veniale pro rei magnitudine.

Supersunt adhuc duæ circa præsentem materiam difficultates. Prima est, an lex humana sub peccato mortali obligans, obliget etiam cum periculo vita. Quidam Theologî absolutè negant : alii longè probabilius distinctione utendum esse existimant. Velenim lex humana talis est, ut illius observatio bono communi tuendo sit necessaria, ita ut ex illius transgressione grave aliquod detrimentum in totam communitatem derivetur: e.g. legem fert Episcopus tempore pestis grassantis, ne sacerdotes ex locis peste infectis discedant, in quibus pastoribus defunctis nulli alii aderunt, qui pereuntibus Sacra menta ministrent. Item Imperator in bello lege lata prohibet, ne milites in excubii stationes suas deferant, ne scilicet ex desertione statonis strages & profligatio totius exercitus sequatur: in illis enim casibus sacerdotes ac milites etiam cum periculo vita obedire tenentur ; cum bonum privatum secundum restam rationem bono communi postponi debeat.

Vel talis est illa lex, ut illius observatio solum particulare bonum respiciat, ut ieiunium, auditio Missæ, &c. tunc enim, quamvis lex illa sub mortali obliget, non tamen obligat cum vita, aut etiam sanitatis amittendæ, vel gravis alicuius damni aut incommodi subeundi periculo: cum nulla tunc suppetat ratio, cur legislator cum tanto damno,

vel

vel periculo ad legum suarum observationem obliget. Ita Sotus in 4. dist. 22. quæst. 1. art. 4. Valent. disp. 7. delege humana, Vasq. Suar. & alii apud Laym. cap. 14. de legib. qui tamen id limitat, dummodo nullus adsit legis vel legislatoris contemptus, nullum item ex violatione legis immineat grave scandalum: unde S. August. dixit Lib. de bono conjug. c. 16. *Satius esse fame mori, quam idolothyia vesci, cum scandalo scilicet, vel religionis contemptu.*

Secunda difficultas est, an sint aliquæ leges purè pœnales; id est, quæ ad solam poenam obligent, & ex quarum transgressione nullus peccati reatus incurritur. Quidam Theologi affirmant; alii tamen probabilius negant, quorum plures citat & sequitur Bellarm. Lib. 3. de memb. Eccles. c. 11. dicitque implicare contradictionem, legislatorem obligare ad poenam & non culpam; cùm culpa & poena sint correlativa, nec illa lex justa videatur, quæ poenam adversùs infantes decerneret: unde afferit regulas illas quorundam religiosorum, quæ ad solam poenam obligant, non per modum legis obligare, sed per modum iusdam conventionis & pacti: & S. Doctor 2. 2. q. 186. a. 9. ad 2. rectè observat. *Non omnia, quæ in lege humana continentur, tradi per modum præcepti; sed quadam proponi per modum ordinationis cuiusdam obligantis ad solam pœnam: quod in quibusdam legibus civilibus locum habere censet Novar. cap. 23. nu. 55. quando scilicet neque ex legislatoris declaracione, neque ex qualitate pœnæ, neque ex detrimeti publici gravitate dignosci clare potest, an lex aliquæ vilis pœnalis obliget sub culpa: tunc enim (ut ibidem docet) quivis poterit id in favorabiliorem partem interpretari, ac sibi persuadere hanc non tam legem esse quam ordinationem quandam, quæ proinde ad nullam culpar obligeat, sed pœnam tantum veluti conditionem quandam proponat, ut diligentius & fidelius observetur.*

SEC.